



Na osnovu člana 69. Statuta Općine Centar – prečišćeni tekst („Službene novine Kantona Sarajevo“, broj 23/4) i člana 3. Odluke o načinu odabira projekata nevladinih organizacija po LOD metodologiji („Službene novine Kantona Sarajevo“, br: 10/18 Općinski načelnik raspisuje:

**JAVNI POZIV
ZA PREDAJU PROJEKTNIH PRIJEDLOGA ORGANIZACIJAMA CIVILNOG DRUŠTVA
KOJI SE BAVE PITANJIMA MLADIH NA PODRUČJU OPĆINE CENTAR SARAJEVO**

Općina Centar Sarajevo poziva sve organizacije civilnog društva (OCD)/ nevladine organizacije (NVO) koje se bave pitanjima mladih iz Bosne i Hercegovine da dostave prijedloge projekata koji su u skladu sa Zakonom o mladima Federacije Bosne i Hercegovine, strateškim/razvojnim ciljevima Općine Centar Sarajevo, Strategijom razvoja Općine Centar Sarajevo za period 2021-2027, Strategijom prema mladima 2022-2026., Agendom 2030, Rezolucijom Vijeća Europske unije (2020/C 415/01) i Europskom agendom za rad sa mladima iz sljedećih tema:

- 1. Uključivanje mladih u procese donošenja odluka na lokalnom nivou;**
- 2. Jačanje kapaciteta i osnaživanje mladih za saradnju u razvoju zajednice;**
- 3. Umrežavanje mladih sa područja općine Centar Sarajevo sa mladima iz bratskih općina/gradova;**
- 4. Međugeneracijska saradnja - pozitivne prakse;**
- 5. Savjetovanje i pružanje podrške mladima kroz širenje znanja i informacija o različitim tematskim prioritetima, praksama, konceptima, metodama i alatima – neformalno obrazovanje.**

Iznosi sredstava za odobrene projekte će biti u novčanom rasponu od 5.000 KM do 15.000 KM. Općina Centar Sarajevo zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadane kriterije u skladu sa *Smjernicama za aplikante u okviru javnog poziva*. Trajanje svakog projekta ne može biti manje od dva mjeseca niti duže od četiri mjeseca, a izabrani projekti trebaju da se provedu zaključno sa 31.12.2023 godine. Potpisivanje ugovora sa odabranim aplikantima očekuje se krajem mjeseca augusta 2023. godine, te će aplikanti u skladu sa tim i planirati početak realizacije svojih projekata.

Aktivnosti koje su provedene prije zaključivanja ugovora odobrenih projekta neće biti predmet finansiranja.

Projekti moraju biti implementirani isključivo na području Općine Centar Sarajevo a čija su ciljna grupa mladi sa područja općine Centar Sarajevo.

PRAVO UČEŠĆA:

Učešće u ovom javnom pozivu je otvoreno, na jednakim osnovama, za sve formalno registrovane OCD i NVO (udruženje/udruga ili fondacija), u skladu sa važećim zakonskim propisima u Bosni i Hercegovini, a u čijim organima upravljanja nisu zastupljeni uposlenici Općine Centar Sarajevo, vijećnici i članovi radnih tijela Općinskog vijeća Centar Sarajevo koji učestvuju u proceduri provođenja Javnog poziva (člana 12. Zakona o sukobu interesa u organima vlasti u Federaciji BiH, „Službene novine Federacije BiH“, broj 70/08).

Prilikom odabira projekata prednost imaju oni projekti čije aktivnosti nisu slične aktivnostima koje Općina Centar Sarajevo već finansira putem svojih javnih ustanova i centara kao ni oni čije aktivnosti su podržane grantom Budžeta Općine Centar Sarajevo u 2023. godini.

Ovim javnim pozivom neće se finansirati projekti udruženja koja nisu opravdala ranije dodijeljena sredstva iz Budžeta Općine Centar Sarajevo.

Detaljne informacije **o obaveznim uslovima za apliciranje i kriterijima za finansiranje projekata** navedene su u *Smjernicama za aplikante u okviru javnog poziva*.

Aplikanti mogu predati više od jednog projektnog prijedloga sa odvojenim prijavnim formularima i dokumentacijom za svakog od njih, a finansirat će se samo jedan uspješno ocijenjen i odabran projekat.

Pitanja u vezi sa javnim pozivom se mogu postaviti putem e-mail adrese mladi@centar.ba. Pitanja se mogu postavljati do **31.07.2023.** godine. Odgovori na upite će biti dostavljeni putem e-maila, unutar tri radna dana od dana primanja upita.

PREUZIMANJE DOKUMENTACIJE:

Sve potrebne informacije i elektronska verzija cijelog paketa prijavnice dokumentacije nalazi se naći na web stranici Općine Centar Sarajevo [www.centar.ba/javni pozivi i konkursi](http://www.centar.ba/javni_pozivi_i_konkursi).

Obavezna dokumentacija treba da sadrži sljedeće dokumente:

- **Projektni prijedlog (word format Aneks 1)**
- **Pregled budžeta/proračuna (excel format - Aneks 2)**
- **Matrica logičkog okvira (word format - Aneks 3)**
- **Plan aktivnosti i promocije (word format - Aneks 4)**

Dodatna dokumentacija je vrlo važan dio projektne dokumentacije i treba biti kompletirana kako bi prijedlog projekta mogao biti evaluiran. Dodatna dokumentacija treba da sadrži sljedeće:

- ovjerena kopija važećeg rješenja o registraciji organizacije u BiH (za nosioca projekta/podnosioca i eventualne partnere na projektu),
- kopija statuta organizacije (podnosilac projekta i partneri),
- identifikacijski broj,
- uvjerenje o izmirenim poreskim obavezama (original ili ovjerena kopija poreske uprave),
- uvjerenje o izmirenim doprinosima za zaposlene, ako ima zaposlenih u organizaciji (ako nema zaposlenih priložiti izjavu da nema zaposlenih),
- popunjena forma Administrativni podaci o podnosiocu prijedloga projekta (word format - Aneks 5),
- popunjena Finansijska identifikaciona forma (word format - Aneks 6),
- popunjena i potpisana Izjava o podobnosti (word format - Aneks 7),
- kopija završnog godišnjeg finansijskog izvještaja za 2022. godinu (dokument bilans stanja i bilans uspjeha) koji je ovjeren od strane nadležne agencije za finansijsko poslovanje i licenciranog i ovlaštenog knjigovođe,

- opisni izvještaj o realizovanim projektima za prethodnu godinu za ranije osnovane organizacije, odnosno program rada za tekuću ili narednu godinu za novoosnovane organizacije,
- podaci o osobama koje realizuju projekat (kraći CV sa dokazima),
- za projekte koji se planiraju provoditi u obrazovnim institucijama, te u objektima koji su u vlasništvu Općine Centar Sarajevo, potrebno je priložiti saglasnost direktora istih. Ukoliko projekat bude odobren obavezno je dostaviti saglasnost/odobrenje nadležnog ministarstva za projekte koji se planiraju provoditi u obrazovnim institucijama,
- popunjena Lista za provjeru (word format - Aneks 8).

PREDAJA APLIKACIJA:

Ispunjenu aplikaciju i set obavezne dokumentacije potrebno je dostaviti u jednom (1) štampanom primjerku, a kompletnu dokumentaciju (obaveznu i dodatnu) potrebno je dostaviti skeniranu i u elektronskoj formi (USB) u zatvorenoj koverti preporučenom poštom ili na protokol Općine tokom radnih dana (ponedjeljak – petak), u periodu od 8 do 16 sati sa naznakom „ Za Javni poziv za projekte OCD-a koje se bave pitanjima mladih“, na adresu:

Općina Centar Sarajevo
Ul. Mis Irbina 1
71 000 Sarajevo
Bosna i Hercegovina

Rok za predaju aplikacija je 28 dana od dana objavljivanja (12.07.2023. godine) na web stranici Općine te u sredstvima javnog informisanja, odnosno do 09.08.2023. godine. Aplikacije dostavljene nakon navedenog roka će biti razmatrane jedino u slučaju da poštanski žig ukazuje na datum slanja prije zvaničnog isteka roka.

Vanjska strana koverta mora sadržavati naziv poziva za predaju prijedloga projekata, puno ime i adresu aplikanta, puni naziv projekta i navod **“Ne otvarati prije zvaničnog otvaranja”**.

O primljenoj pošiljci u Općini će se voditi uredna evidencija i izdavati potvrde o prijemu. Projektne prijedloge razmotrit će i procijeniti Komisija za ocjenjivanje i odabir projekata. Svi aplikanti koji su predali prijedloge projekata, koji su prihvaćeni ili odbijeni, će biti obaviješteni u pisanoj formi o odluci u vezi sa njihovim prijedlogom projekta u roku od 30 dana od dana zatvaranja javnog poziva. Rezultati će biti objavljeni na web stranici Općine Centar Sarajevo (www.centar.ba).

INFORMATIVNE SESIJE:

Informativni sastanak (otvoreni dani) će se održati 19. jula 2023. godine od 10:00 do 12:00 sati u prostorijama Centra Kulture i Mladih (CKM) Općine Centar Sarajevo, ulica Jelićeva. 1, Sarajevo. Potencijalni aplikanti će tokom sastanka biti detaljnije upoznati sa pozivom, načinom prijavljivanja, kriterijima, itd. Tokom trajanja Javnog poziva organizacije civilnog društva će biti pružena dodatna podrška kroz usluge konsultanta - mentora. Planirano je da sastanci sa mentorom budu organizovani u sljedećim terminima:

- Prvi sastanak sa mentorom - 26. juli 2023. godine sa početkom u 10,00 sati u prostorijama Centra Kulture i Mladih (CKM) Općine Centar Sarajevo, ulica Jelićeva. 1.
- Drugi sastanak sa mentorom - 02. august 2023.godine sa početkom u 10,00 sati u prostorijama Centra Kulture i Mladih (CKM) Općine Centar Sarajevo, ulica Jelićeva. 1.

Napomena: Dokumenti navedeni u Javnom pozivu se mogu pronaći na web stranici Općine Centar Sarajevo.

OPĆINSKI NAČELNIK

Srđan Mandić